

庶物類纂

竹屬  
自十一至十二

容

太政官文庫			
和書門	特別	一二三六二	茅五十四番
類	號	函	架
四	六	五	册

內閣文庫			
番號	和	32362	
冊數	465(202)		
函號	附	54	1

四十二

共十八

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale

G Y M

© Kodak, 2007 TM: Kodak



三十三



庶物類纂竹屬卷之十一目次

竹瀝

竹筍

籜

竹葉

竹根

竹紙

烏金紙

庶物類纂

卷十一

竹屬目次

竹瀝

俗名搭客那盞虎拉

竹瀝

用取新鮮金竹鋸尺許中留節兩頭去節劈兩開不  
 拘多少用磚二塊架定竹兩頭出磚二寸許各以磁  
 盤置於下候其瀝滴其中用烈火薰逼則兩頭濺濺  
 滴瀝于盤中竹將自然瀝則盡矣就將滴過瀝竹為  
 薪又架新竹于磚上如前燒逼任取多少  
 竹瀝本草大寒泛觀其意以與石膏芩連等同類而  
 諸方治產後胎前諸病及金瘡口禁與血虛自汗消  
 渴尿多皆陰虛之病無不用縮手待盡哀哉內經曰

明羅周彥  
醫宗粹言

陰虛發熱大寒而能補正與病對暑預寒而能補也  
 或用之惟竹瀝因大寒寘疑是猶因盜嫂受金而棄  
 陳平之國士也竹瀝味甘性緩能除陰虛之有大熱  
 者言其功也非以氣言幸相與可否若曰不然世人  
 喫笋自幼至老者可無一人因笋寒而有病瀝卽笋  
 之液也沉假於火而成者何寒如此之甚

明方廣丹  
溪心法附

淡竹瀝機曰將竹截作二尺長劈開以磚兩片對立  
 架竹于上以火炙出其瀝以盤承取○一法以竹截

長五六寸以瓶盛倒懸下用一器承之周圍以炭火  
 逼之其油瀝于器下也

明李東璧  
本草綱目

竹瀝性寒而滑大抵因風火燥熱而有痰者宜之苦  
 寒濕胃虛腸滑之人服之則反傷胃笋性滑利多食  
 瀉人僧家謂之刮腸篋卽此義也丹溪朱氏謂大寒  
 言其功不言其氣殊悖于理謂大寒爲氣何害于功  
 淮南子云槁竹有火不鑽不然今猫獠人以乾竹片  
 相戛取火則竹性雖寒亦未必大寒也神仙傳云  
 姜公服竹汁餌桂得長生蓋竹汁性寒以桂濟之亦

與用薑汁佐竹瀝之意相同淡竹今人呼為水竹有大小二種此竹汁多而甘沈存中言苦竹之外皆為淡竹誤矣同上

希雍曰竹瀝竹之津液也經云大寒亦言其本性耳得火之後寒氣應減性滑流利走竅逐痰故為中風家要藥明劉若金本草述

竹瀝味甘氣寒無毒可外可降通手足陰陽十二經并奇經別絡陳氏曰取大竹對劈開雷節居中無節處橫截段竹片仰放兩頭用磚石架起中節間用猛火烘逼瀝從兩頭流出以磁碗盛接或沖入藥內服或純用瀝少加生薑汁一二匙服無寒

胃之弊○明倪朱謨本草彙言

取竹瀝以旋斫者○破竹燒節兩頭接水一法也斷

節近尺其下去節以埋受之以瓦熾其節則汁流埋

中清皖桐方氏浮山此藏軒物理小識

竹瀝甘寒無毒取竹瀝法以青竹斷二尺許劈開火

炙兩頭盛取用之如欲多取以罈埋土中溼泥糊好

量罈口大小用篾箍二道豎入罈口多著炭火於竹

頂上炙之清張路玉本經逢原

竹類甚多淡竹肉薄節間有粉多汁而甘最良篔簹竹

堅而節促皮白如霜苦竹本粗大葉長濶笋味苦入藥惟此三種功用畧同竹茹卽刮取青皮竹瀝如取荆瀝法薑汁爲使薑能除痰且濟其寒○清汪詒菴本草備要竹瀝竹種最多惟大而味甘者爲勝必生長一年者嫩而有力取用方佳清馮兆張錦囊祕錄

竹茹

一草華草

太平御覽

俗名搭客那ダケノア蓋罵法搭ハダ



竹筴

本草曰竹筴一名華草

太平御覽

竹筴味甘氣寒無毒入足陽明胃經○陳氏曰取大竹削去面上青色皮取向裏黃皮是也

竹筴清熱化痰下氣止嘔之藥也如前古治肺胃熱甚欬逆上氣嘔噦寒熱及血溢崩中諸證此藥甘寒而降善除陽明一切火熱痰氣為疾

綠嘔噦寒熱吐血崩中皆火熱

容于陽明所致

用之立安如諸病非因胃熱者勿用

明倪朱

言彙

機 謹按註中綠字當作綠字

竹筍甘寒無毒取竹筍法選大青竹磁片刮去外膜  
取第二層如麻縷者除去屑末用之  
清張路玉本經逢原

箨

一名箬  
文說

俗名搭客那カハ法

籜

楚謂竹皮曰箬說文籜竹皮也字書竹花曰華草本草明陳耀

天文  
中記

竹皮冠漢高祖為亭長時乃以竹皮為冠時時冠之  
及貴常冠謂劉氏冠徐州志

蘇物類纂 卷十一

竹葉

蘇物類纂 卷十一

竹屬 竹葉

竹葉

竹葉以沸湯蘸過則不捲藏撮甲宋蘇軾物類相感志

竹葉與栗同食無袒同上

軒轅先生居羅浮山宣宗召入禁中能以桐竹葉滿

手按之悉成錢先生又能散髮箕踞用氣攻其髮一

一條直如植宋令狐澄大中遺事○說郛

竹葉粥治中暑竹葉一握山梔十枚煎湯去渣下米

煮粥候熟下鹽花點之進一二杯即愈明馮應京月令廣義

竹葉肅清氣分涼心胃邪熱之藥也故仲景入白虎


湯中解傷寒內熱津液乾枯定虛熱凌心煩躁不寐  
導膀胱火鬱林閉赤澀入藥惟取甘竹淡竹之葉假  
此寒堅清肅之性使熱可降液可生痰可消而大火  
煩渴之病可自已也如胃寒有冷飲者停食者俱忌

用之 明倪朱謨  
本草彙言


諸竹與筍皆甘寒無毒惟竹葉受陰風烈日氣多故  
不無小毒本經主欬逆上氣者以其能清肺胃之熱  
也療筋急惡瘍者以其能化身中之氣也氣化則百  
骸條暢何有小蟲之患乎仲景治傷寒解後虛羸少

氣氣逆有竹葉石膏湯金匱治中風發熱面赤頭痛  
有竹葉湯總取清肺胃虛熱之義 清張路玉  
本經逢原

燕  
牛  
類  
纂  
卷  
卅  
一



竹  
根



燕  
牛  
類  
纂

卷  
卅  
一

竹  
屬

竹  
根

一

竹根

巴州俗以竹根為酒注為時所珍出段氏蜀記○明  
鄒善長彙苑詳註  
 金樓子云山中夜見胡人者銅鐵精也中宵見火光  
 者朽木也皆不為害温州有人山中遇一波斯抱野  
 雞見人揮霍鑽入石壁中其石自合襲明子嘗聞外  
 舅說頃歲莊墻間熒熒光尺餘時兼兄弟中有不寧  
 者眾謂之怪憂之數夕炳然如初外舅情不甘乃就  
 拔之得一物回燈下看乃枯竹根耳其光遂滅病者  
 無咎雪總譚異○明田  
汝成委巷叢談

無物類纂

卷十一

竹屬

竹根

二



麻牛類纂 卷十一

竹根 酒譜老杜詩云醉倒終同臥竹根蓋以竹根為飲杯也

佩文齋廣羣芳譜

竹紙

無勿類纂

卷十一

竹屬

竹紙

竹紙

凡造竹紙事出南方而閩省獨專其盛當筍生之後  
 看視山窩深淺其竹以將生枝葉者為上料節界芒  
 種則登山砍伐截斷五七尺長就于本山開塘一口  
 注水其中漂浸恐塘水有涸時則用竹規通引不斷  
 瀑流注入浸至百日之外加功搥洗洗去粗壳與青  
 皮是名殺青其中竹穰形同苧麻樣用上好石灰化汁塗  
 漿入槌桶下煮火以八日八夜為率凡煮竹下鍋用  
 徑二尺者鍋上泥與石灰捏弦高濶如廣中煮鹽窄

盆樣中可載水十餘石上蓋棹桶其圍丈五尺其徑四尺餘蓋定受煮八日已足歇火一日揭棹取出竹麻入清水漂塘之內洗淨其塘底面四維皆用木板合縫砌完以妨泥污造粗紙者不須為此洗淨用柴灰漿過再入釜中其上按平平鋪稻草灰寸許桶內水滾沸即取出別桶之中仍以灰汁淋下倘水冷燒滾再淋如是十餘日自然臭爛取出入臼受春山國皆有水碓春至形同泥麩傾入槽內凡抄紙槽上合方斗尺寸濶狹槽視簾簾視紙竹麻已成槽內清水浸浮其面三寸許

入紙藥水汁于其中形同桃竹葉方語無定名則水乾自成潔白凡抄紙簾用刮磨絕細竹絲編成展卷張開時下有縱橫架匡兩手持簾入水蕩起竹麻入于簾內厚薄由人手法輕蕩則薄重蕩則厚竹料浮簾之頃水從四際淋下槽內然後覆簾落紙于板上疊積千萬張數滿則上以板壓削繩入棍如榨酒法使水氣淨盡流乾然後以輕細銅鑷逐張揭起焙乾凡焙紙先以土磚砌成夾巷下以磚蓋巷地面數塊以往即空一磚火薪從頭穴燒發火氣從磚隙透巷外磚盡熱濕

紙逐張貼上焙乾揭起成帙近世濶幅者名大四連  
一時書文貴重其廢紙洗去朱墨污穢浸爛入槽再  
造全省從前煮浸之力依然成紙耗亦不多南方竹  
賤之國不以爲然北方卽寸條片角在地隨手拾取  
再造名曰還魂紙竹與皮精與粗皆同之也若火紙  
糙紙斬竹煮麻灰漿水淋皆同前法唯脫簾之後不  
用烘焙壓水去濕日晒成乾而已盛唐時鬼神事繁  
以紙錢代焚帛北方用切條名曰板錢故造此者名曰火紙荆  
楚近俗有一焚侈至千斤者此紙十七供冥燒十三

供日用其最粗而厚者名曰包果紙則竹蔴和宿田  
晚稻藁所爲也若鉛山諸邑所造東紙則全用細竹  
料厚質蕩成以射重價最上者曰官東富貴之家通  
刺用之其紙敦厚而無筋膜染紅爲吉東則先以白  
礬水染過後上紅花汁云清宋應星天工開物  
石塘人善作表紙擣竹爲之竹笋三月發生四月立  
夏後五日馱其殼作蓬紙而竹絲置于池中浸以石  
灰漿數日取絲連漿上作梘鍋煮爛經宿水漂淨之  
復將稿灰淋水上梘鍋煖爛復水漂淨之始用黃

豆引安一大桶檜一層竹絲則一層豆引過三五  
節始取為之白表紙止用藤紙藥黃表則用姜黃細  
春篩末稱見分兩每一槽四人扶頭一人春碓一人  
撿擇一人焙乾一人則日出紙八把

鉛山縣志

烏金紙

竹屬 烏金紙 一

烏金紙

凡烏金紙由蘇杭造成其紙用東海巨竹膜為質用  
 豆油點燈閉塞周圍止雷針孔通氣薰染烟光而成  
 此紙每紙一張打金箔五十度然後棄去為藥鋪包  
 硃用尚未破損蓋人巧造成異物也

清宋應星  
天工開物

庶物類纂  
卷十一

庶物類纂竹屬卷之十二目次

竹實竹花

竹黃

雷丸

庶物類纂  
卷十一

竹屬目次

麻牛類纂  
卷十一

竹實竹花

一名復天中記 一名竹米證類本草 一名琅玕實青雷

集采珍 一名箭米諸縣志 一名翠實劉禎賦 一名練

實莊子

竹花 一名華草天中記

俗名搭客那迷又名十業母各

無物類纂  
卷十一  
竹屬  
竹實竹花



竹實竹花

竹生花實其年便枯死復竹實也復音福晉戴凱之竹譜

筴必六十復亦六年同上

竹六十年亦易根易根輒結實而枯死其實落土復生六年遂成町竹謂死為筴音紂同上

山海經曰竹生花其年便枯竹六十年而易根易根必經結實而枯死實落土復生六年還成町太平御覽

唐書曰開成四年襄陽三縣山竹結實百姓採食同上

淮南子曰大清之治也鳳麟降著龜兆甘露下竹實

盈上同

謝靈運晉書曰元康二年巴西界竹花紫色結實如

麥上同

晉書載記曰長安謠曰鳳凰鳳凰止阿房符堅以鳳凰非梧桐不棲非竹實不食乃植梧桐數十萬株于阿房宮城以符之慕容中小字鳳凰至是終為堅賊入止阿城焉上同

唐天復甲子歲自隴而西迨于褒梁之境數千里內亢陽民多流散自冬經春饑民啖食草木至有骨肉

相食者甚多是年忽山中竹無巨細皆放花結子饑民採之舂米而食珍于粳糯其子粗顏色紅纖與今紅粳不殊其味尤更馨香數州之民皆挈累入山就食之至于溪山之內居人如市人力及者競置田廩而貯之家有羨糧者不少者又取與葷茹血肉而同食者嘔噦如其中毒十死其九其竹自此千蹊萬谷並皆立枯十年之後復產此君可謂百萬圓顱活之千貞筠之下出玉堂閑話  
○太平廣記  
慶元二年湖湘粒米翔貴郊郭間無不艱食湘潭境

內有昌山周回四十里中多篠蕩環而居者千室尋常于竹取給焉或搗為紙或售其骨或作簞或造鞋其品不一而不留意耕稼先是乙卯歲連山之竹皆開花花謝而結實如麥粒而長人以長篙擊竹抄取治之如稻穀每一石得米五斗或四斗其炊法和以粳米十之一沃以湯其香全與粳同民賴以濟至販糶于縣市遠近百里皆競取之穀價為平有負米而歸者云昌山元有廟曰雷祖欲得米者先謁神敬則可不勞而厚獲徒加慢戲者正得亦不多父老言家

藏建隆二年上世祖關分折田產其中云其處莊竹米八十石每分當四十石則知昔日故有之矣進士黃中具其事上臺府求賜雷祖廟額不報宋洪邁夷堅志晉惠帝元康二年巴西郡界竹生花紫色結實如麥外皮青中赤白味甚甘宋劉敬叔異苑竹多年者則生米而死急截去離地三尺許通去節以犬糞灌之則餘竹不生米也宋蘇軾物類相感志別說云謹按舊稱竹實鸞鳳所食今近道竹間時見開花小白如棗花亦結實如小麥子無氣味而澀江

浙人號為竹米以為荒年之兆及其竹即死信非鸞鳳之所食也近有江南餘千人來言彼有竹實大如雞子竹葉層層包裹味甘勝蜜食之令人心膈清涼生深竹林茂盛蒙密處頃因得之但日久汁枯乾而味尚存爾因知鸞鳳之食必非常物也宋唐慎微證類本草凝波竹實服之肌滑體輕趙飛燕舞于手掌上服此實也出區吳山紫枝綠葉堅滑如玉風吹有聲如環珮成帝種于臨池觀更名曰環珮竹花如海榴實如蓮子而小近謝芬蘭庭中忽生此竹人以為瑞而不

知為何物其夫讀海外志始知之第無花實明年出笋如常竹前種亦漸不然人以為玄善所致元陳芬芸窗私志

熙寧元年益陽縣雷震山裂出米可數十萬斛信米也但色黑如炭政和四年八月建州境內竹生米獲之可數千萬石乾興初蘇秀二州湖田生聖米興州竹有實如大麥天聖元年復然是時民共取以作食占曰歲將大饑明當湖趙維寰雪廬讀史快編竹實色白故名曰練實神農云通神明輕身益氣陶

燕勿預纂

卷十一

竹屬

竹實竹花

五

隱居云竹實出藍田江東有花無實頃來班班有實  
狀如小麥堪可為飯嘉靖二十年昌化徧山竹皆成  
穢實舂碎若米而紫黑色炊之可食古人以為荒年  
之兆余園中竹亦結實剝開甚清香其竹即枯死恐  
非鸞鳳之所食也後見予陽山所生竹實大如鷄子  
竹葉層層包裹味甘勝密食之令人心曠清涼生山  
林深茂處日久汁枯乾而味尚存此鸞鳳之所嗜也  
字書廼干棟木下云鷓鴣食其實又云通作練引莊  
子非練實不食何也風俗通解豸食棟

明田藝衡  
雷青日札

機謹按諸家說竹實皆形如小麥子處處往往有  
之田藝衡所謂陽山之竹實特異也蓋元文丙辰  
之冬飛彈州出竹葉將化魚者其狀竹葉層層包  
裹大如拇指長四寸如小魚形豐葉如乾鱗振之  
則細子出如白粟米味甜彼土深山溪澗間有之  
云夫謂化魚者俚俗之謬言也見藝衡所說而始  
識是亦竹實也


竹葉間開花如棗結實如麥江淮號為竹米以為荒  
年之兆歲乙巳予園中竹半花實如前次歲年穀果

不登嘗見唐詩云老屋茅生菌饑年竹有花乃知肇

之說其來舊矣 趙世顯松亭晤語

嘉熙以來黃岩頻歲不稔淳祐改元之春米斗八百  
民采薇葛木皮食之時竹華于山以為不祥已而華  
者咸實其華如稻而色紺碧或紫其實肥於麥粒有  
半薇葛盡試采炊之香美甘潤與稻麥不殊人日可  
一二斗斗可米四升病者起羸者盡復及麥民忘其  
困焉予遊京師語諸公不信出示之曰怪不祥夫鳳  
凰食必竹實竹實固與鳳凰俱也天不使生於百姓

仁遂九韶來儀之際而使飢民以之延一旦之命在  
竹實誠為不偶然當是之時有竹實寧無鳳凰按唐  
景龍開元間京畿終南藍田嶺表竹凡三實飢民得  
不死則竹實之益未為無前聞也乾道元年池州饑  
竹大實民呼瑞竹郡守魯察囊以奏御史大夫章服  
以為妖駁去之章服賢御史也而造化之妙膠於見  
聞不識也天地之大德曰生其一元之氣昆侖垓北  
上際下蟠萬物盈其間者孰非是氣之融會哉陰陽  
相傾分野羸縮而生生之心固無間斷也天地之所



以立者人人之所恃者食人之自棄於天地者天地無如之何而水饑火毀人之類不滅也大虛不能無氣氣不能無所攸屬不屬於此則屬於彼理固有之也且燕齊吳越瀕海之地鹽實出之其去海之遠者或出於井或出於池或出於石又有出於木者理固有之也先民曰鬼神者造化之迹也又陰陽之精互藏其宅陰陽之氣循環迭至不知此也則雖桃李之華之實亦怪矣車若水竹米記  
止竹枯○竹有花輒枯死花結實如稗名竹米一竿

如此久則滿林治法于初米時擇一竿大者截近根三尺許通其節灌入大糞即止明馮應京月令廣義  
晉起居注曰惠帝二年巴西郡竹生紫色花結實如麥皮青中米白味甜玄扈先生曰此恒有萬曆辛丑與稗麥不異○明徐光啓農政全書余鄉亦有此余嘗目見其米實  
玄扈先生曰竹生花生實輒滿林枯死此有二病其一私者竹園既久根多蟠結故也治之之法將園地分段掘起宿根間一段起一段使其根舒展次年還復盛矣其一公者遍地皆然此必水澇之年或水災

庶物類纂

之後也此則無法可治但不可因其枯瘁遽起竹根  
只須雷以待之一二年後自然復發依然故林倘是  
老園亦宜用間段掘根彼拙者不知此理逕自掘盡  
謂復栽之無論因循不栽即復栽豈能一二年遽盛  
耶同上

後漢襄楷云國中竹柏枯者不出三年人主當之人  
家竹花枯死者家長當之開元二年終南山竹開花  
結子綿亘山谷大小如麥其歲大飢其竹並枯死嶺  
南亦然人取而食之四年而太上皇崩僉載○明陳  
耀文天中記

機謹按事言要玄引僉載襄楷作裴楷無後漢二  
字

舊稱竹實鸞鳳所食今近道竹間時見開花小白如  
棗花亦結實如小麥子無氣味而澀江浙人號為竹  
朱以為荒年之兆及其竹即死信非鸞鳳之所食也  
近有江南餘干人來言彼有竹實大如雞子竹葉層  
層包裹味甘勝蜜食之令人心曠清涼生深竹林茂  
盛蒙密處頓因得之但日久汁枯乾而味尚存耳因  
知鸞鳳之食必非常物也該聞集  
○同上

燕物類纂 卷十二 竹屬 竹實竹花 九



所生類集  
卷之三

機謹按事言要玄集引該聞集江浙作江淮竹朱

作竹米

陽山竹生竹實大如雞子味甘勝蜜鸞鳳所嗜名琅

玕實清陳枚雷  
青采珍集

政和五年十一月山陰承天寺瑞竹一竿七枝枝幹

相同其葉圓細生花結實明成化九年竹生米萬曆

二十六年諸暨竹生米每節一粒民饑采之以食呼

為箭米紹興  
府志

竹米止越產耳山海經竹六十年易根易根必花實

而枯死實落土復生六年而盛曠本草竹開花小白

如棗花實如小麥子味澀浙人號為竹米以為荒年

之兆宋政宣間越州竹生花蔡京表賀其辭曰獨挺  
歲寒之節誕

敷朝豔之榮百萼勻紅耀鶴棲之  
舊幹千枝競翠佇鳳實以來儀議者謂竹生花則

實而枯非可賀也竹性喜東南故古之種法云斲取

東南引根於園角西北種之久之自滿園語曰西家

種竹東家治地言其滋引而生來也近時之語又曰

種竹無時雨過便移多帶舊土認取南枝又數幹相

連則易生諺曰十人種竹一年成林一人種竹十年

蘇物類集 卷之三 竹屬 竹實竹花 十

成林同上

順治五年建甌二縣竹生米春間未根生穀次年大

饑建甌府志

明崇禎八年壽寧縣竹生米秋成禾稼大歉九年春

夏間遍山竹生米形如小麥值米貴民乏食取而粉

之可粥舂之可飯於是闔邑競採多至廩庾轉發糶

民賴以濟福建通志

咸平二年閏二月箭竹生米如稻民飢采之充食諸

縣志

崇禎十四年旱荒民多疫桃竹實飲者輒愈新建縣志

正德三年春民饑桃竹生子舂之可以炊食是年大

旱高安縣志

玄宗開元二年冬十二月竹有華實是歲大饑唐書

嶺南竹有華實是歲大饑麥竹並枯死民採食之占

曰國中竹栢枯不出三年有喪南海縣志

崇禎十三年大水淹青竹花盛開花如地采帶黃安鄉

縣志

縣志正德九年八月陽江颶風傷稼待盡闔邑刺竹

作花實實既即稿至丁丑無遺竿故父相傳此竹率五十年一實實則殄然大饑以丙戌甲戌推之有驗濱海農人占鹹 苦釘實內向主饑苦釘木實作莢大如人中指末銳如釘屑 禾米不知為木實也又海魚大賤則饑諺曰海熱田荒廣東通志

紹興十八年六月候官縣有竹實如米飢民採食之八閩通志

宋天禧元年邵陵竹生穗如米民饑取食之寶慶府志

嘉靖九年漳浦饑其春麥熟山竹生實如米採之數

百石饑民賴以供食漳州府志

政和四年八月州境竹生米數十萬石建寧府志

康熙六十年正二月箭竹結實土人呼為竹米摩粉作食療痢症頗效

台州府志

康熙五年竹盡華結實如小麥然落地復生德安府志

竹實竹惟刺竹一種有華實實如麥亦可食然與蒜同食則殺人聞之父老悉五十年一實以丙戌甲戌壬戌庚戌推之有驗實則以漸枯盡無遺竿且有大饑唐書開元二年嶺南竹有華實如麥竹莖枯

死是歲大饑民採食之廉郡竹以嘉靖壬戌枯盡於丙寅占書曰國中竹栢不出三年有喪時郡守黃滄泉以癸亥卒于官偶應其占云

廉州府志

萬曆二十六年五六月不雨泉流俱竭歲大歉飢饉相望箭竹內每節產米一粒傳為箭米人采之

療生 諸暨縣志

永平民有受值為人傭作者以他役逾期不赴主人怒而逐之哀求不納哭而去曰去則毋無以食奈何行未幾倦臥道傍夢一人撫其背曰無傷也某山之

原有竹試往攀而搖之可得米以養覺而憶其山舊遊也往之竹下果得米于時萬曆庚寅辛卯間也滇中一時所在皆有之晉寧楊全大守時為司徒即出差歸里及入京攜以餽其米非稻非麥長三倍稻米作粥不稠濁為飲潤而甘微帶香味 雲南通志 明崇禎二十年連城縣姑田里出竹米數萬斛饑民食之 同上

明崇禎三十九年黃竹花其實如米居民取食之 同上 明崇禎九年漳浦饑其春麥熟山竹生實如米採數

百石饑民賴以供食福建通志

康熙癸卯大鄣山竹盡生實形如麩民採而舂食之

厥味甘多至數千石婺源縣志

昌山縣西南一百里上有昌福祠彝堅志畧云周四

十里多蓀蕩花實每石得米五斗宋慶元間米翔貴

民賴此以飼有雷祖廟禱之始獲有米長沙府志

順治九年三月攸縣黃竹開花結實如蛋是年大旱民採竹實

療飢同上

玄宗開元二年冬十二月竹有花實是歲大饑按唐書有

花實如麥是歲大饑民採食之占曰國中竹栢枯不出三

年有喪番禺縣志

嘉靖九年饑山竹生實如米採之數百石饑民賴以

供食漳浦縣志

政和四年八月州境竹生米數千萬石是年木連理

閩書

該聞錄云江南餘干有竹實大如雞子竹葉包裹與

日札所言同清來元成博學彙書

魏氏春秋曰阮籍少時常遊蘇門山其山有隱者莫

知名姓有竹實斛杵白而已同上

博物志止 山多竹長千仞鳳食其實去九疑萬八千里同上

機謹按廣羣芳譜引述異記文同

宋史真宗本紀咸平二年江南轉運使言宣歙竹生米民採食之

五行志政和四年八月建州境內竹生米數千萬石五年十一月癸酉越州承天寺瑞竹一竿七枝幹相似其葉圓細生花結實詔送秘書省仍拜表賀

莊子鵲雛非練實而不食注練實竹實取其潔白也

韓詩外傳黃帝時鳳凰棲帝梧桐食帝竹實 福

建志紹興十八年候官縣有竹實如米饑民採食之

宋陳造竹米行竹君亢宗擅楚墟一一修聳山澤


曜風流秀整與世殊楚俗食息皆爾須薪之籬之且

籩篠筭管箱篚籃笈溝瓦厥祖羹其雛隨索斯獲掇

諸塗今歲麥秋早歲餘得麥僅足償官租竹君憫農

如士夫著花結子千林俱密砌玉粒綴琉珠株 擷

取雖錙銖彌頃巨畝無間株磋磨蒸炊勝雕葫隣里



乞索水火如坐令鬻蹙與歌呼野叟好事能分吾香  
 清而列甘而腴此君行能不一書此惠及物旋就枯  
 摩頂放踵忘其軀所學無乃墨者徒老子苟祿天之  
 隅袖手無策蘇媪孤投七三歎吾慚渠

佩文齋廣  
羣芳譜

竹黃

一名竹膏  
本草綱目

唐才類纂  
卷二十一

竹黃

嶺南深山中有大竹有水甚清澈溪澗中水皆有毒  
惟此水無毒土人陸行多飲之至深冬則凝結如玉  
乃天竹黃也王彥祖知雷州日盛夏之宮山溪間水  
皆不可飲唯剖竹取水烹飪飲啜皆用竹水次年被  
召赴闕冬行求竹水不復可得問土人乃知至冬則  
凝結不復成水遇夜野火燒林木為煨盡而竹黃不  
灰如火燒獸骨而輕土人多於火後採捨以供藥品  
不若生得者為善

宋沈存中  
補筆談

無勿頌慕

竹屬

竹黃

二



機謹按不復可得一本作不可復得

天竺黃生天竺國今諸竹內往往得之人多燒諸骨及葛粉等雜之開寶本草

蜀本圖經云竹節間黃白者味甘名竹黃尤制石藥

毒發熱嘉祐補註本草

大明曰此是南海邊竹內塵沙結成者宋日華子諸家本草

此是竹內所生如黃土著竹成片者宋寇宗奭本草行義

按吳僧贊寧云竹黃生南海鏞竹中此竹極大又名

天竹其內有黃可以療疾本草作天竺者非矣筭竹

亦有黃此說得之明李東璧本草綱目

李氏曰按吳僧贊寧云天竹黃生天竺國及南海鏞

竹中此竹極大其肉有黃如青土著竹成片係竹之

津氣結成今廣州筭竹相述竹亦有之常見海南大

竹內往往多有今市家取諸骨燒偽造亂真故宜細

辨之明倪朱謨本草彙言

天竺黃諸竹內生如黃土著竹成片者一名竹膏苦

寒主小兒驚風天弔客忤痰壅失音鎮心明目去

風熱療金瘡止血滋養五藏小兒藥最宜明鄧元錫函史

竹黃出大竹之中津氣結成其味功用與竹瀝同而無寒滑之害涼心經去風熱為小兒驚癇風熱痰湧失音治痰清熱之要藥以其生天竺國故名天竺黃今藥肆多燒諸骨及葛粉雜入不可不辨清張路玉本經逢原天竺黃一名竹膏產於天竺國乃竹之精氣結成其氣味功用與竹瀝相倣但竺黃氣微寒性亦稍緩故為小兒要藥清馮兆張錦囊祕錄機謹按享保之初周防州岩國之竹匠得竺黃二種郡主吉川左京令侍醫道瑠傳之機即進藥局

雷丸

雷丸

陶隱居云今出建平宜都間累累相連如丸本經云利丈夫別錄云久服陰痿於事相反唐本注云雷丸竹之苓也無有苗蔓皆零無相連者今出房州金州

嘉祐補註本草

劉伯時常見淮西士人楊勔自言中年得異疾每發言應答腹中輒有虫聲效之數年間其聲浸大有道士見而驚曰此應聲虫也久不治延及妻子宜讀本草遇虫所不應者當取服之勔如言讀至雷丸虫忽

無聲乃頓餌數粒遂愈始未以為信其後至長汀遇一丐者亦是疾而觀者甚衆因教之使服雷丸丐者謝曰某貧無他伎所求衣食於人者唯藉此耳

文昌雜錄

○那邪代醉編

雷斧雷楔皆霹靂擊物精氣所化此物生土中無苗葉而殺虫逐邪猶雷之丸也竹之餘氣所結故曰竹苓苓亦屎也古者屎苓字通用

明李東璧本草綱目

別錄曰雷丸生石城山谷及漢中土中八月采根暴乾弘景曰今出建平宜都間纍纍相連如九恭曰雷

丸竹之苓也無有苗蔓皆零無相連者今出房州金

州○雷丸大小如栗狀如豬苓而圓皮黑肉白甚堅

實同上

雷丸味苦鹹氣寒有小毒氣薄味厚陰也入手足陽明經○別錄曰雷丸生石山谷及漢中今建平宜都房州金州諸處亦有蘇氏曰生竹林土中乃竹之餘氣滋陰所成也無苗蔓狀如栗纍纍相結不相連屬又如豬苓而圓皮黑肉白甚堅實八月采雷氏曰修治用甘草水浸一夜銅刀刮去黑皮切作四五片以

日草水再浸一夜日乾用如赤色者能殺人宜揀去之

明倪朱謨本草彙言

雷丸生石城山谷及漢中土中竹之餘氣所結故名竹苓本草綱目云雷斧雷楔皆霹靂擊物精氣所化此物生土中無苗蔓而殺蟲逐邪猶雷之丸也醫學入門云雷壘也累累相連如丸狀也氣味苦寒有小毒君藥也

明李中立本草原始

雷丸竹之餘氣得霹靂而生故名大小如栗竹刀刮去黑皮甘草水浸一宿酒拌蒸或炮用厚朴芫花為

使惡葛根

清汪詡庵本草備要

愚按雷丸為竹之餘氣所結夫竹引根於秋深孕筍於冬半是氣稟清寒以生合於金水之陰以在下也則其為微寒固然又曰小毒緣清陰之氣味而又能疎利其於行氣血之熱豈非良劑第過用不無有傷元氣也悉此義則能善用此味矣

清劉若金本草述

雷丸苦鹹寒小毒竹之餘氣所結皮黑肉白者良入藥炮用赤黑色者殺久

清張路玉本經逢原

原  
牛  
美  
集

卷  
一  
一

